

19



Broj:02-551-8/21

Datum, 15.12.2021.godine

Na osnovu člana 69. stav (1) tačka (3), 70. stav (1) tačka (1), (4) i (6) člana 71. stav (1) tačka (1) Zakona o javnim nabavkama („Sl. glasnik BiH“, broj 39/14), člana 45. stav (1) Statuta Javne zdravstvene ustanove Univerzitetski klinički centar Tuzla (prečišćeni tekst), na preporuku Komisije za javnu nabavku frižidera za koštanu banku broj 02-551-7/21 v.d. direktor Ustanove donio je

**ODLUKU**  
**o poništenju postupka javne nabavke**  
**medicinske opreme- frižider za koštanu banku**

**Član 1.**

Poništava se otvoreni postupak javne nabavke, broj:02-551/21 nabavka medicinske opreme – frižider za koštanu banku.

**Član 2.**

Ugovorni organ, će ovu odluku objaviti na svojoj web stranici i istovremeno, a najkasnije u roku od sedam dana od dana donošenja ove odluke, pismeno obavijestiti ponuđače o donošenju odluke o poništenju postupka javna nabavke.

**Član 3.**

Odluka stupa na snagu danom donošenja.

**Obrazloženje**

Ugovorni organ je odlukom broj 02-551-1/21 06.05.2021.godine pokrenuo postupak javne nabavke jednog frižidera za koštanu banku za potrebe Klinike za ortopediju i traumatologiju procijenjene vrijednosti 25.641,00 KM bez PDV-a, putem otvorenog postupka i predviđene e-aukcije. Komisiju za javnu nabavku imenovana rješenjem broj: 02-551-2/21 od 06.05.2021.godine i Odlukom o izmjenama rješenja o imenovanju Komisiju za javnu nabavku broj:02-551-2-1/2 od 11.11.2021.godine za provođenje predmetne javne nabavke (u daljem tekstu:Komisija).

Postupajući u skladu sa članom 63. Zakona o javnim nabavkama BiH ("Službeni glasnik BiH" broj 39/14) Komisija je nakon isteka krajnjeg roka za dostavu ponuda, pristupila poslovima iz svoje nadležnosti. U predmetnom postupku, tendersku dokumentaciju u sistemu "e-nabavke" je preuzelo 20 ponuđača.Na javnom otvaranju nije bio prisutan ni jedan ponuđač. Komisija je utvrdila da su blagovremeno zaprimljene 2 (slovima: dvije) ponude i to: Ponuđač "EMEDING" d.o.o. Sarajevo je dostavio ponudu u iznosu od 25.640,00 KM bez PDV-a. Naziv opreme : Zamrzivač sa prirodnim hlađenjem ULUF P390GG, godina proizvodnje 2021 - proizvođač ARTICO / Danska 2. Ponuđač "MPS LAB" d.o.o. Sarajevo je dostavio ponudu u iznosu od 25.000,00 KM bez PDV-a. Naziv opreme: Rashladna oprema / Frižider za koštanu banku MDF-DU302VX-PE, godina proizvodnje 2021 – PHCBI / Holandija Komisija je utvrdila da ponuda "MPS LAB" d.o.o. Sarajevo nije potpuna I ne ispunjava uslove iz tenderske dokumentacije te se kao takva odbacuje. Ponuda ponuđača "EMEDING" d.o.o. Sarajevo je ispunila uslove postavljene u tenderskoj dokumentaciji.

Razlog za poništenje otvorenog postupka javne nabavke frižidera za koštanu banku je sadržan u činjenici da kost spada u transplantaciono tkivo i da nadležni organi u FBiH nisu u cjelosti donijeli zakone i podzakonska akta kojima bi bio regulisan način čuvanja i primjene materijala za transplantaciju kojom se koriguju koštani deformiteti.

95  
Ugovorni organ je imao informaciju da su izmjene i dopune Zakona o transplataciji organa tkiva u svrhu liječenja u toku i da će biti završene do okončanja ovog postupka javne nabavke.

Shodno navedenom, uvažavajući činjenicu da nisu ispunjeni zakonski uslovi za banku kostiju, kao i činjenice koliko kost može stajati u frižideru, Ugovorni organ je odlučio da nisu ispunjeni uslovi za nabavku frižidera u kojem se čuvaju materijali za transplataciju. Kada budu ispunjeni zakonski uslovi, Ugovorni organ će pokrenuti postupak javne nabavke frižidera za koštanu banku.

U skladu sa navedenim Komisija je dostavila Ugovornom organu Izvještaj o radu Komisije u otvorenom postupku javne nabavke medicinske opreme - Frižider za koštanu banku, sa preporukom o donošenju Odluke o poništenju postupka javne nabavke.

Uvažavajući preporuku Komisije, a cijeneći odredbe člana 69. stav (1) tačka 3) Zakona o javnim nabavkama kojim je propisano da je ugovorni organ može otkazati postupak javne nabavke zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme postupka javne nabavke odlučeno je kao u dispozitivu ove odluke.

**Pouka o pravnom lijeku:** Protiv ove odluke može se izjaviti žalba u skladu sa članom 99. i 101. Zakona o javnim nabavkama („Sl. glasnik BiH“, broj 39/14).

**Dostaviti:**

- 1x Ponudačima,
- 1x Služba za nabavu,
- 1x Evidencija.

**K.S.**

v.d. **DIREKTOR**

Prim.doc.dr med.sci. **Aleu Kamerić**

